

# NOVOSTI

## Debatologija u potrazi za najboljom internet debatantom za april

Submitted by [Goran Igikj](#) on 23 April 2013

[IDEA](#) [Novosti](#)



Prva internet debatna zajednica u BiH - Debatologija je u potrazi za najboljim internet debatantom za mjesec april. Do sada su izabrana dva sedmična pobjednika, ali do kraja mjeseca ostale su još dvije debate. Najbolji debatant u periodu 08.-15.04.2013. godine na forumu koristi ime Coraco, a u stvarnosti se zove Almir Đulović. Almir je student Pravnog fakulteta u Tuzli i do sada se nije bavio formalnom debatom. Nadamo se da će ova pobjeda Almira motivisati i da se aktivno uključi u debatni klub Centra za kulturu dijaloga u sklopu njegovog fakulteta, te da na taj način počne ostvarivati pobjede i u formalnoj debati. Almir je svoju pobjedu osigurao aktivnim učešće u tri teze koje su bile posvećene: besplatnoj kontracepciji i abortusu; načinu na koji fudbaleri proslavljaju postignute golove i mogućnostima za kažnjavanje takvih poteza, te opstanku muškaraca u budućnosti.

U okviru teze posvećene besplatnoj kontracepciji i abortusu najveći dio debatanata isticao je razliku između njih i bio na strani besplatne kontracepcije, ali ne i abortusa. Manji broj njih je zastupao stav da kontracepcija i abortus ne mogu biti besplatni, ističući ekonomsku neisplativost takve mogućnosti. Debata je, kao što se moglo očekivati, dotakla i pitanje bijele kuge, s tim što su debatanti u najvećem dijelu debate nastojali napraviti i dokazati razliku između uticaja besplatnog abortusa i abortusa na njen nastanak.

Način na koji fudbaleri proslavljaju postignute golove, uvijek je zanimljiva teza za debatu. U sedmici iza nas veliku pažnju je privukao fudbaler Mirko Vučinić, koji je pogodak proslavio skidanjem. Debatanti su iznosili vrlo zanimljive razloge za i protiv kažnjavanja fudbalera zbog načina na koji proslavljaju gol, a ukoliko niste imali priliku da ih vidite, pozivamo vas da posjetite Studomat.ba portal, podforum Debatologija i rubriku Arhiva, u koju će se nalaziti sve teze na koje se debatovanje završi <http://forum.studomat.ba/index.php/board,375.0.html>. Tri aktuelne debatne teze:

1) Greške na računima - slučajne greške ili obmana kupaca? 2) Da li Sjeverna Koreja predstavlja realnu opasnost svjetskom miru? 3) Opravdavate li skraćivanje časova u srednjim školama zbog showa ZMBT?

Debatologija vas poziva da iznosite maštovite argumente, istražujete ove teze i da zajedničkim nastojanjima promoviramo kulturu komunikacije na internetu.

Tweet 0 Like 13 Send Share Like Pin it

[Login](#) or [register](#) to post comments [Printer-friendly version](#)



### POPULARNI TEKSTOVI

#### PETNAEST GODINA CENTRA ZA KULTURU DIJALOGA I DEBATNOG PROGRAMA U BIH

Debatni program BiH u znaku je obilježavanja petnaest godina postojanja. Sada već davne 1997. godine pokrenut je program sa ciljem da kroz...

#### IDEA JIE i Romaverzitas obeležili "Međunarodni dan Roma" javnom debatom za neformalno u odnosu na formalno obrazovanje

Javnom debatom na temu „Neformalno obrazovanje je cenjenije na tržištu rada od formalnog“, projekcijom filmova „Laboratorija uspeha – Romaverzitas“ i...

#### Državno natjecanje u debati i prezentacija BP debate

30. i 31.03. održano je Državno natjecanje iz srednjoškolske i osnovnoškolske debate. U natjecanju je sudjelovalo najboljih 12. osnovnoškolskih i 24...

### NAJNOVIJI TEKSTOVI

#### Izabrani predstavnici BiH za Svjetsko debatno takmičenje

#### Debatologija u potrazi za najboljom internet debatantom za april

#### HDD: REZULTATI OŠ I SŠ DRŽAVNOG NA TJECANJA